

清·方略館 編

清代 方略 全書

北京圖書館出版社



清代方略全書

一五四

清·方略館編

北京圖書館出版社

欽定勦平捻匪方略卷一百三十八

壬戌年



二月二十四日

丁丑

勝保奏言

臣

督飭前敵各軍

進紮王家圩劉家海茨河鋪等處屹立三營以爲犄角之勢均距潁城不過十里十餘里與城內消息已通乃粵捻各逆知臣懸軍深入銳意解圍復悉衆來撲死力抗拒並糾合西面各悍賊分路包我營盤經臣親赴前敵督率將士奮

力鏖戰屢次獲捷計三營各斬馘數百名賊始
卻回兵勇亦有傷亡惟我軍前敵已與賊對壘
僅通西北一綫之路而環城各賊營層層密布
昨據探報西北又有大股捻衆自亳巢來援攻
撲民寨接濟圍穎諸賊餵糧以分我兵力此時
臣軍前後左右賊勢重重應接不遑幾至無可
措手查臣所統馬步兵勇共計一萬七八千人

除副都統明慶派赴河北外後路節節梗阻不能不節節留兵以通餉道而聯聲勢留紮陳州之師以備睢杞通太竄賊留紮槐店魯臺新安集三處之師以擊胡橋等處踞賊留紮界首集穗子鋪兩處之師以禦邢家圩及沙南各賊兵力已分大半而前敵自穗子鋪擊賊以後轉戰百餘里接仗數十次連克賊壘十餘座傷亡又

屬不少所有前敵進剿兵勇僅六千餘人且餉銀軍械軍火無不短絀距河南省城已五百餘里中間處處賊氛情形萬分危急查睢杞一帶竄匪業經僧格林沁等擊敗南竄通許扶溝轄境省垣情形已鬆此時賊勢全趨陳屬臣營後路層層隔斷而兵力祇有此數前後實難兼顧

惟有籲懇

天恩飭下僧格林沁酌撥得力馬隊千餘名馳赴槐
店就近歸臣調遣俾得一臂之助並請

飭下鄭元善督帶省防勁旅暫行進紮陳州以固大
營後路而爲前敵策應實於皖豫大局有裨至
苗沛霖之衆雖已擒斬擒首數十名大挫兇鋒
計日可抵迴溜集第尙爲髮捻各逆所隔一時
未能直抵城下楚師前已行抵固始計期可達

三河尖乃日久仍無進援信息僅臣以一旅之師獨力支持幾同孤注查潁南一帶雖亦有賊蹤然尙無著名大股且楚軍糧餉甚足無虞牽掣臣屢次咨會李續宜囑其速由南路赴援臣由西北進剿以收夾擊之效迄未接其覆音應

請

飭下該撫速飭總兵成大吉等軍兼程前進與大軍

會合力解重圍如果該撫尙事遷延意存膜視
臣惟有據實叅奏不敢稍存回護
勝保又奏言接據探報圍潁各逆因前敵官軍
連日鏖戰斃賊極多又聞苗沛霖已將潁上張
落刑老巢圍剿並帶練攻擊潁東賊營與賊大
戰殺賊萬餘逆衆半皆鉗險西竄穗子鋪隔河
南岸之邢家圩等處驟添賊衆萬人乘十五日

夜閒猝攻穗子鋪駐守該處之守備張得祿等督率兵勇極力守禦惟我軍僅八百餘名衆寡不敵致被闖入等情查穗子鋪爲大營後路要道軍火糧餉皆由此路行走猝被攻陷焦憤莫名總因前敵攻勦喫緊大營兵力不敷分撥跋前疐後兼顧爲難又因副將楊飛熊一軍屢催不到以致糧道隔絕殊堪痛恨現前敵各軍將

近郡城正在功虧一簣之際萬無撤軍回剿之
理而臣隨營祇有親軍馬步小隊千名亦難回
顧惟有再行嚴催楊飛熊一軍並飛調現紮槐
店之誠順營馬勇並都司王天保步勇由紙店
界首集一帶進取穗子鋪迅圖攻復以通一綫
之路刻下前敵攻剿正在萬分喫緊楚軍旣難
望其實力赴援而後起各軍亦屬緩不濟急惟

密飭苗沛霖飛速進隊會合大軍併力擊剿以
解潁郡之圍而蘇大營之困
勝保又奏言副將楊飛熊一軍前奉
諭旨飭令赴潁援剿當經飛札飭調乃該副將始以
紳民稟留爲詞繼復以該處賊氛尙熾輟轉請
示迨臣五次札提始據稟報於十一日起程業
已數日尙未見到似此遷延玩泄儻稍事姑容

恐將士紛紛效尤尙復成何軍律惟念該副將
平日打仗奮勇當先其才具亦爲可用姑從寬
請營職以觀效驗再不效奮速行革職

旨將副將楊飛熊摘去頂戴拔去花翎以示薄懲仍
由臣催令迅速前進如能奮勉立功再行奏請
開復又總兵成祿自派令赴援以來節節遲延
副將劉景芳於白廟築營未定爲賊所乘雖我

軍力戰斃賊千餘而勇丁民夫傷亡三百餘名
設非茨河鋪劉家集有策應之兵幾至大局決
裂該二員均屬顓預疏懈應請

旨將總兵成祿摘去頂戴副將劉景芳暫行革職均
留營勦賊以觀後效儻再不知奮勉卽行從嚴

治罪

同日袁甲三奏言前因苗練欲赴蒙城尋讎臣

恐蹈壽州舊轍派總兵尹善廷帶領官兵先赴
該縣駐紮現據該鎮及署蒙城縣蘇履中稟報
苗練赴蒙之隊紮營十餘座因官兵進城卽於
本月十二日全行撤退臣飭該鎮等因勢利導
就近收撫附苗各圩以孤逆黨人心頗爲鼓舞
並據博崇武來稟該署鎮收集壽春兵先赴正
陽駐紮督率苗練已於本月初十日進圍潁上

俾張落刑回顧並云苗沛霖卽進解潁郡之圍
臣已嚴飭博崇武妥爲辦理斷不容其支飾並
將臣現辦情形專弁密致李續宜囑其相機行
事尙未接該撫覆函現在苗練叵測之心不可
知而跋扈之形已稍減臣復抽撥兵練紮營於
鳳懷交界之劉府集由近而遠次第聯絡以固
西路藩籬俟接李續宜抵六確信再行會商妥

不辦均奏入無議對計息無風雲孤韻暗著李獻
上命議政王軍機大臣傳諭僧格林沁勝保鄭元善
李續宜曰勝保一軍自連破劉家海等處賊壘進
抵距潁十里之王家圩安營與城內消息已通乃
粵捻各逆知該大臣孤軍深入復悉衆來撲分包
前敵營盤官軍連日鏖戰獲捷而環城賊營層層
密布又有大股捻衆自亳巢來援分我兵力並分